

遼史補注

九

(元) 脫脫 等撰
陳述 補注

中華書局

(元) 脱脱 等撰
陳述 補注

遼史補注

第 九 册
卷七一至卷九四(傳二)

中華書局

遼史補注卷七十一

列傳第一

后妃

肅祖昭烈皇后蕭氏

懿祖莊敬皇后蕭氏

玄祖簡獻皇后蕭氏

德祖宣簡皇后蕭氏

太祖淳欽皇后述律氏

太宗靖安皇后蕭氏

世宗懷節皇后蕭氏

世宗妃甄氏

穆宗皇后蕭氏

景宗睿智皇后蕭氏

聖宗仁德皇后蕭氏

聖宗欽哀皇后蕭氏

〔補〕聖宗德妃蕭氏

〔補〕聖宗芳儀李氏

興宗仁懿皇后蕭氏

興宗貴妃蕭氏

道宗宣懿皇后蕭氏

道宗惠妃蕭氏

天祚皇后蕭氏

天祚德妃蕭氏

天祚文妃蕭氏

天祚元妃蕭氏

書始嬪虞，詩興關雎。國史記載，往往自家而國，以立天下之本。然尊卑之分，不可易也。司馬遷列呂后于紀，班固因之，而傳元后于外戚之後；范曄登后妃于帝紀。天子紀年以叙事謂之紀，后曷爲而紀之？（一）自晉史列諸后以首傳，隋、唐以來，莫之能易也。

遼因突厥，稱皇后曰「可敦」，國語謂之「臧俚蹇」，尊稱曰「耨斡麼」，（二）蓋以配后土而母之云。太祖稱帝，尊祖母曰太皇太后，母曰皇太后，嬪曰皇后。等以徽稱，加以美號，質於隋、唐，文於故俗。后族唯乙室、拔里氏，（三）而世任其國事。太祖慕漢高皇帝，故耶律兼稱劉氏；以乙室、拔里比蕭相國，遂爲蕭氏。（四）

耶律儼、陳大任遼史后妃傳，（五）大同小異，酌取其當著于篇。

〔一〕索隱卷八：「案晉書華嶠傳，嶠以皇后配天作合，前史作外戚傳，以繼末編，非其義也，故易爲皇
后紀，以次帝紀。又史記外戚世家，索隱：外戚，紀后妃也。漢書則編之列傳中，王隱則謂之
紀，而在列傳之首，是華嶠之漢後書，王隱之晉書，已皆有皇后紀，故錢大昕謂范書因之，何焯以
爲范氏合史家之變臆說也。章宗源、洪貽孫但云蔚宗本華嶠，未考及王隱也。史通題目篇云：
馬遷撰皇妃傳，而以外戚命章。案外戚憑皇后以得名，猶宗室因天子而顯稱，若編皇后而曰「外
戚傳」，則書天子而曰「宗室紀」可乎？蓋劉知幾亦取王隱說。」

〔三〕賦俚蹇，本史卷一一六國語解作「忒里蹇」；擣斡麼，國語解「麼」作「麼」。

〔三〕乙室，本史卷四五百官志作乙室己。

〔四〕此說與本史卷六七外戚表互歧，詳本書卷一一六國語解注。

〔五〕金史卷一二五党懷英傳：「泰和元年，增修遼史編修官三員，詔分紀、志、列傳刊修官。……懷英致仕後，章宗詔直學士陳大任繼成遼史云。」

肅祖昭烈皇后蕭氏，小字卓真。歸肅祖，生四子，見皇子表。乾統三年，追尊昭烈皇后。

懿祖莊敬皇后蕭氏，小字牙里辛。肅祖嘗過其家曰：「同姓可結交，異姓可結婚。」知爲蕭氏，爲懿祖聘焉。生男女七人。〔一〕乾統三年，追尊莊敬皇后。

玄祖簡獻皇后蕭氏，小字月里朵。玄祖爲狼德^(二)所害，后嫠居，恐不免，命四子往依鄰家耶律臺押，乃獲安。太祖生，后以骨相異常，懼有陰圖害者，鞠之別帳。重熙二十一年，追尊簡獻皇后。

德祖宣簡皇后蕭氏，^(三)小字巖母斤。遙輦氏宰相剔刺之女。男、女六人，^(四)太祖長子也。天顯八年十一月崩，明年二月葬，^(五)祔德陵。重熙二十一年，追尊宣簡皇后。

〔一〕子四人：玄祖第三；餘三人見本史卷六四皇子表。

〔二〕狼德，各本作狼德，本史卷七五耶律鐸臻傳亦作狼德。

〔三〕以上四后，均在太祖前，蕭氏即指通婚氏族。

〔四〕子五人：太祖第一；餘四人見本史卷六四皇子表及補傳。

〔五〕八年十一月崩，八年原誤十一年，脫「十一月」，按本史卷三太宗紀：「天顯八年十一月辛丑，太皇太后崩。」此誤以十一月爲十一年。又「明年二月葬」五字原缺，並據太宗紀天顯八年、九年補正。

太祖淳欽皇后述律氏，^(一)諱平，小字月理朵。其先回鶻人糯思，生魏寧舍利，魏寧生慎思梅里，慎思生婆姑梅里，^(二)婆姑娶勾德忽，^(三)王女，生后于契丹右大部。^(四)婆姑名月，梳，什遙輦氏爲阿扎割只。^(五)

后簡重果斷，有雄畧。嘗至遼、土二河之會，有女子乘青牛車，倉卒避路，忽不見。未幾，童謠曰：「青牛嫗，曾避路。」蓋諺謂地祇爲青牛嫗云。

太祖即位，羣臣上尊號曰地皇后。神冊元年，大冊，加號應天大明地皇后。行兵御衆，后嘗與謀。太祖嘗渡磧擊党項，黃頭、臭泊、二室韋，^(六)乘虛襲之；后知，勒兵以待，奮擊，大破之，名震諸夷。

時晉王李存勗欲結援，以叔母事后。^(七)幽州劉守光遣韓延徽求援，不拜，太祖怒，留之，使牧馬。后曰：「守節不屈，賢者也。宜禮用之。」太祖乃召延徽與語，大悅，以爲謀主。^(八)吳主李昇，^(九)獻猛火油，^(一〇)以水沃之愈熾。太祖選三萬騎以攻幽州。后曰：「豈有試油而攻人國者？」^(一一)指帳前樹曰：「無皮可以生乎？」太祖曰：「不可。」后曰：「幽州之有土有民，亦猶是耳。吾以三千騎掠其四野，不過數年，困而歸我矣，何必爲此？萬一不勝，爲中國笑，吾部落不亦解體乎！」其平渤海，后與有謀。

太祖崩，后稱制，攝軍國事。及葬，欲以身殉，親戚百官力諫，因斷右腕納于柩。太宗即位，尊爲皇太后。(一三)會同初，上尊號曰廣德至仁昭烈崇簡應天皇太后。(一四)

初，太祖嘗謂太宗必興我家，后欲令皇太子倍避之，太祖册倍爲東丹王。太祖崩，太宗立，東丹王避之唐。(一四)太后常屬意於少子李胡。太宗崩，世宗即位于鎮陽，太后怒，遣李胡以兵逆擊。李胡敗，太后親率師遇于潢河之橫渡。(一五)賴耶律屋質諫，罷兵。遷太后于祖州。

應曆三年崩，年七十五，祔祖陵，謚曰貞烈。(一六)重熙二十一年，更今謚。

(一)述律氏即蕭氏，後稱石抹。元姚燧牧菴集卷二一少中大夫靜江路總管王公神道碑：「述律氏遼之貴族，世連姻帝室，由金譌爲石抹氏。」元史卷一五〇石抹也先傳：「其先嘗從蕭后舉族人突厥，及后還而族留，至遼爲述律氏，號稱后族。遼亡，改述律氏爲石抹氏。」通鑑卷二〇五：「萬歲通天元年十月辛卯，契丹李盡忠卒，孫萬榮代領其衆，突厥默啜乘間襲松漠，虜盡忠、萬榮妻子而去。」嘗人突厥即指此而言。

(二)婆姑梅里，本史卷三七地理志一作容我梅里。

(三)勾德忽似即太祖祖父勾德實。

〔四〕由應曆三年（九五三，癸丑）七十五歲上推，應生於唐僖宗乾符六年（八七九，己亥）。

耶律老古之母，爲淳欽皇后之姊。見本史卷七三老古傳。

〔五〕阿扎割只，本史卷六七外戚表作阿札豁只。詳卷四五百官志。

〔六〕通鑑後梁紀四均王貞明二年十二月胡注：「黃頭，室韋強部也。臭泊，室韋以所居地名其部。」
度磧用兵，則諸部在磧西可見也。

索隱卷八：「臭當作臭。說文：臭，大白澤也。契丹國志作臭泊，其字更訛。明金幼孜北征錄言闊濼海子云：遙望但見白浪隱隱，周圍千餘里。此海子即遼臭泊，唐名俱輪泊。唐書北狄傳：室韋，南契丹，北瀕海，黃頭部最強。自俱輪泊而東，有移塞沒部，稍東有塞曷支部，亦最強。即此傳二室韋與黃頭合爲三部，其北瀕海非北海即俱輪泊，今名庫楞湖，亦名多倫諾爾。」按此節史文來源爲通鑑，今存各本通鑑皆作臭泊。索隱之說未審。胡注謂以地名部，亦準泊字而言。即令先有部名，亦於理可解。日本白鳥庫吉謂臭泊係阻卜異譯，方壯猷室韋考，馮校並因白鳥說。

〔七〕太祖曾與李克用結盟，約爲兄弟。故存昷以叔母稱。

〔八〕按自「行兵御衆，后嘗與謀」以下至此，源於通鑑（見通鑑後梁均王貞明二年），惟截去「述律后有母，有姑，皆踞榻受其拜。曰：吾惟拜天，不拜人也」一節。太祖重用延徽因后進言。並見本史卷七四延徽傳。后自有頭下屬珊軍。

〔九〕契丹國志卷一三記此事只稱吳王，不著李昇之名。索隱卷八：「李昇昇平元年，當遼會同元年，不與遼太祖相值，此當是吳主楊溥之誤。」

〔一〇〕索隱卷八：「宋張世南遊宦紀聞：『唐顯德五年，占城國王遣使者來貢猛火油八十四瓶，油以洒物，得水則出火。』又王得臣塵史：『宋次道東京記有廣備攻城作，其作凡十一目，火藥、青窑、猛火油、金火、大小木、大小爐、皮作、麻作、窑子作是也。』明陶宗儀記元氏掖庭侈政，油有猛火油，注云：『得水愈熾。』又王泌東朝紀：『建文未遯時，先於大內蘭香殿上塗猛火油。語宮人城破舉火。』是自宋至明並同此傳曰猛火油。」

新五代史卷六一吳世家楊隆演：「（天祐）十二年（九一五）冬，瀋楊林江，水中出火，可以燃。」可知當時吳已見此油。

按猛火油即石油，史亦稱脂水、石漆。漢書卷二八下地理志下：「上郡高奴（縣）有洧水，可難。」注：師古曰：「難，古爇字。」水經注卷三：「河水，東逕高奴縣合豐林水，地理志謂之洧水也。故言高奴縣有洧水，肥可難。水上有肥，可接取用之。」注：博物志稱酒泉延壽縣南山出泉水，大如筍，注地爲溝，水有肥如肉汁，取著器中，始黃後黑，如凝膏，然極明，與膏無異，膏車及水碓缸甚佳，彼方人謂之石漆。水肥亦所在有之，非止高奴縣洧水也。」後漢書志二三郡國志五：「涼州酒泉郡延壽（縣）。注：博物記曰：『縣南有山，石出泉水，大如筍簾，注地爲溝，其水有肥，如煮肉泊，羨羨永永，如不凝膏，燃之極明，不可食，縣人謂之石漆。』」

北史卷九七西域傳：「龜茲，其國西北大山中，有如膏者流出成川，行數里入地，狀如餽餬，甚臭。服之，髮齒已落者能令更生，癩人服之皆愈，自後每使朝貢。」唐段成式酉陽雜俎卷一〇：「高奴縣石脂水，水膩，浮水上如漆，採以膏車及燃燈，極明。」出產不止一地，用途不限一端，照明、潤滑，且有藥用者。本草綱目卷四有石油，藥用；卷九，製墨用。

元和郡縣志卷四〇：「玉門縣：石脂水，在縣東南一百八十里。泉有苔如肥肉，燃之極明。水上有黑脂，人以草盞取用，塗鴟夷酒囊及膏車。周武帝宣政中，突厥圍酒泉，取此脂燃火，焚其攻具，得水逾明，酒泉賴以獲濟。」此始作軍用城防。本傳則用爲攻城者。

夢溪筆談卷二四：「鄜、延境內有石油，舊說「高奴縣出脂水」，即此也。生於水際，沙石與泉水相雜，惘惘而出，土人以雉尾裹之，乃採入缶中。頗似淳漆，燃之如麻，但煙甚濃，所需幄幕皆黑。予疑其煙可用，試掃其煤以爲墨，黑光如漆，松墨不及也，遂大爲之，其識文爲「延川石液」者是也。此物後必大行於世，自予始爲之。蓋石油至多，生於地中無窮，不若松木有時而竭。」此後多用於戰備。康輿之退軒筆錄（又名昨夢錄）：「西北邊城防城庫，皆掘地作大池，縱橫丈餘，以蓄猛火油。」宋軍器監內設有猛火油作。武經總要前集卷一二記「火罐」附有「猛火油櫃」、「筒櫃」等裝置。用以儲油。明茅元儀武備志卷一三二有「盛油引火車」，皆爲軍用防城、攻城武器。

〔二〕試油，「油」字原誤「讎」，據道光殿本及通鑑卷二六九改。

〔二〕契丹國志卷一太祖紀，卷一三述律皇后傳並云：「后任智用權，立中子德光，在其國稱太后，左右有桀黠者，后輒謂曰：『爲我達語於先帝。』至墓所即殺之，前後所殺以百數。最後，平州人趙思溫當往，不肯行。太后曰：『汝事先帝親近，何爲不行？』對曰：『親近莫如后，后行，臣則繼之。』太后曰：『吾非不欲從先帝於地下，顧諸子幼弱，國家無主，不得往耳。』乃斷一腕置墓中，思溫亦得免。」（宏簡錄卷二〇七同）

契丹國志卷一又云：「太祖於夫餘城崩。述律后召諸酋長妻謂曰：『我今寡居，汝不可不效我。』又集其夫，泣問曰：『汝思先帝乎？』對曰：『受先帝恩，豈得不思。』后曰：『果思之，宜往見之。』遂殺之。」

〔三〕「皇」字原脫，據本史卷四太宗紀會同元年十一月補。

〔四〕契丹國志卷三太宗紀：「遼連歲入侵，中國疲於奔命，邊民塗地，人畜多死，國人厭苦之。述律太后謂帝曰：『使漢人爲遼主，可乎？』曰：『不可。』太后曰：『然則汝何故欲爲漢帝？』曰：『石氏負恩，不可容。』太后曰：『汝今雖得漢地，不能居也。萬一蹉跌，悔所不及。』又謂羣下曰：『漢兒何得一餉眠，自古但聞漢和蕃，不聞蕃和漢。漢兒果能回意，我亦何惜與和。』此意代表草原自足願望，不謂一時一事也。

〔五〕舊五代史卷八八李彥韜傳、契丹國志卷一三述律皇后傳並云：「彥韜爲太后（李胡）排陣使，彥韜迎降。太后兵由是大敗。兀欲即世宗幽太后於太祖墓側，居之没打河，此河不見地理志。索隱

卷八謂即「巴林旗東北布雅爾河。」陷北記：「世宗兀欲及述律（后）戰於沙河，述律兵敗而北，兀欲追至獨樹渡，因囚述律於撲馬山。」

〔二〕重熙六年撰韓椅墓誌銘（見全遼文卷六）有「聖元神睿真列（貞烈）皇后」之謚。此脫「聖元神睿」四字。

太宗靖安皇后蕭氏，小字溫，淳欽皇后弟室魯〔一〕之女。帝爲大元帥，納爲妃，生穆宗。及即位，立爲皇后。性聰慧潔素，尤被寵顧，雖軍旅、田獵必與。天顯十年崩，謚彰德，葬奉陵。〔二〕重熙二十一年，更今謚。

〔一〕本史卷六七外戚表亦稱靖安皇后父室魯。

契丹國志卷一三太宗蕭皇后傳：「太宗皇后蕭氏，遼興軍節度使蕭延思之女也。太宗南入大梁，述律后專秉國事，后無所預。弟蕭幹，性殘忍，后每戒其多殺。太宗崩於樂城，后時在國。后崩，與帝合葬。暨穆宗即位，立陵寢廟，建碑頌德。」按本史卷三太宗紀「天顯十年正月，皇后崩於行在。十二年七月幸懷州，謁奉陵。」契丹國志所記皇后涿州人，死於太宗既死之後，均係傳聞之誤。

〔二〕按本史卷三七地理志：「懷州，奉陵軍，節度。太宗崩，葬西山，曰懷陵。」此奉陵係軍名。葬太宗後稱陵名。但必有陵始稱奉陵軍。

世宗懷節皇后蕭氏，小字撒葛只，淳欽皇后弟阿古只之女。帝爲永康王，納之，〔一〕生景宗。天祿末，立爲皇后。明年秋，生萌古公主。〔二〕在薨，察割作亂，弑太后〔三〕及帝。后乘步輦，直詣察割，請畢收殮。明日遇害。謚曰孝烈皇后。重熙二十一年，更今謚。

〔一〕淳欽皇后姪女，嫁淳欽后之孫，契丹俗婚娶不拘行輩。

〔二〕索隱卷八：「此公主不見公主表，蓋亦爲察割所害。」

〔三〕按本史卷五世宗紀天祿元年八月，尊母蕭氏爲皇太后。

世宗妃甄氏，後唐宮人，有姿色。帝從太宗南征得之，寵遇甚厚，生寧王只沒。〔一〕及即位，立爲皇后。〔二〕嚴明端重，風神閒雅。內治有法，莫干以私。劉知遠、郭威稱帝，世

宗承強盛之資，奄奄歲時。后與參帷幄，密贊大謀，不果用。察割作亂，遇害。景宗立，葬二后于醫巫閭山，建廟陵寢側。

〔一〕契丹國志卷一三世宗甄皇后傳：「世宗皇后甄氏，漢地人，後唐潞王時爲宮人，世宗從太宗南入大梁，得之宮中，時后年四十一歲，世宗幸之，生六子，長曰明記，後即位爲景宗，次曰平王、荆王、吳王、寧王、河間王。」按景宗非甄氏所生；平王隆先、荆王道隱、吳王稍皆世宗之弟，非世宗之子。

〔二〕甄氏立爲皇后或被廢均不見於世宗紀，本史卷六四皇子表亦稱「妃甄氏」，索隱卷八云：「皇后字訛。」按本史卷五世宗紀天祿四年冊皇后蕭氏，即懷節皇后。世宗何以於即位四年之後始冊皇后，疑由天祿元年至四年，皇后是甄氏，後循本俗傳統，又立蕭氏。

穆宗皇后蕭氏，〔一〕父知璠，內供奉翰林承旨。后生，有雲氣馥郁久之。幼有儀則。帝居藩，納爲妃。及即位，〔二〕正位中宮，性柔婉，不能規正。無子。

〔一〕按此傳源於契丹國志卷一三穆宗蕭皇后傳。志云「幽州厭次（安次）人。」蕭氏非安次人，截去，是。

〔二〕「即位」二字，據契丹國志傳文「暨即位，后正中宮。」補入。此下契丹國志傳文有「是時，契丹繼代恬安，兵勢少弱，中朝藩鎮如南唐、北漢及李守貞之類，皆用蠟丸帛書求援以爲強，帝不能甚應之」一段四十四字。

景宗睿智皇后蕭氏，諱綽，小字燕燕，北府宰相思溫女。〔一〕早慧。思溫嘗觀諸女掃地，惟后潔除，喜曰：「此女必能成家！」帝即位，選爲貴妃。尋冊爲皇后，生聖宗。

景宗崩，尊爲皇太后，攝國政。后泣曰：「母寡子弱，族屬雄強，邊防未靖，奈何？」耶律斜軫、韓德讓進曰：「信任臣等，何慮之有！」於是，后與斜軫、德讓參決大政，委于越休哥以南邊事。統和元年，上尊號曰承天皇太后。二十四年，加上尊號曰睿德神畧應運啓化承天皇太后。〔二〕二十七年崩，謚曰聖神宣獻皇后。重熙二十一年，更今謚。

后明達治道，聞善必從，故羣臣咸竭其忠。習知軍政，澶淵之役，親御戎車，指麾三軍，賞罰信明，將士用命。聖宗稱遼盛主，后教訓爲多。〔三〕

〔一〕長編作蕭守興女。畢沅續通鑑考異開寶二年五月謂李燾係傳聞之誤。然李燾長編考異云：「仁宗實錄乃以燕燕爲北宰相蕭思溫女，與此異，疑守興別名思溫耳。」

〔二〕太平八年李知順墓誌（見全遼文卷六）：「遇崆峒大舉之秋，俄捷偏師，俘公而來，遠詣行闕之下，英文睿武聖母承天皇太后服而捨之。」

契丹國志卷一三本傳作「睿德神畧應運啟化法道洪仁聖武開統承天皇太后」。

〔三〕東都事畧卷一二三：「隆緒自稱天輔皇帝，尊母燕燕爲承天皇太后。」燕燕姓蕭氏，宰相思溫之女，有機謀，善馭左右大臣，多得其死力。先是蕃民毆漢人死者償以牛馬，漢人則斬之，仍以其親屬爲奴婢。燕燕一以漢法論。每戎馬南入，親披甲督戰；及通和，亦出其謀。然天性殘忍，多殺戮，與耶律隆運通，遣人縊殺其妻。又幸醫工迪里姑，有私議其醜者輒殺之，隆緒畏莫敢言。既卒，謚曰宣獻，年五十七。隆運即韓德讓也。」乘軺錄：「蕭后幼時，嘗許嫁韓氏，即韓德讓也。行有日矣，而耶律氏求婦於蕭氏，蕭氏奪韓氏婦以納之，生隆緒，即今虜主也。耶律死，隆緒尚幼，襲虜位。蕭后少寡，韓氏世典軍政，權在其手，恐不利於孺子，乃私謂德讓曰：「吾嘗許嫁子，願諧舊好，則幼主當國，亦汝子也。」自是德讓出人幃幕無間然矣。既而酖殺德讓之妻李氏，每出弋獵，必與德讓同穹廬而處，未幾而生楚王，爲韓氏子也，蕭氏與德讓尤所鍾愛，乃賜姓耶律氏。」契丹國志卷一三景宗蕭皇后傳：「景宗皇后蕭氏，名燕燕，侍中、守尚書令蕭守興之女也。或以燕燕爲北宰相蕭思溫女。自南北通和後，契丹多在中京。武功殿，聖宗居之；文化